

欽定四庫全書

子部

普濟方卷三百六十五



南京中医药大学图书馆版权所有

詳校官太醫院醫士臣趙正池

編修臣倉聖脈覆勘

欽定四庫全書

普濟方卷三百六十五 明

周王朱橚 撰

嬰孩唇舌口齒咽喉

唇瘡等疾

附論

夫脾與胃合為足陽明其經脉起鼻環于唇其支脉入
終于脾脾胃有熱氣則發于唇生瘡而重被風邪寒溫
之氣搏于瘡則微腫濕爛或冷或熱乍瘡乍發積月累
年謂之緊唇亦名瘡唇也 凡小兒唇青候者蓋因藏

氣不和血虛為冷所乘即口唇青肥亦有藏氣熱唇生瘡而風冷之氣入瘡雖瘥之後血色不復故令唇青

方

順脾散 治唇瘡未已復被風冷所搏瘡口濕腫此名

緊唇

山藥一兩 人參三分 桂去麤皮一分 木香半兩 甘草炙 白朮各一

分 訶梨勒炮去核半兩 肉豆蔻炮去殼二枚 白茯苓去黑皮 黃

耆剉各半兩 白芷一分

右件為散每服半錢沸湯點服量兒大小加減

黃連散 治小兒緊唇因五藏熱毒氣上衝唇腫反麤

黃連去鬚甘草生剉寒水石 黃蘗剉各半兩栴榔一分

右為散鍊蜜調塗于唇上一日兩三度換之

葵根散出仁好方 治緊唇病

葵根燒灰一兩烏蛇燒灰黃蘗剉末鱉甲燒灰研各半兩

右研勻每用半錢以猪脂少許和塗唇上日數易之

治緊唇 用亂髮蜂房及六畜毛燒作末傅瘡上猪脂

和亦佳

治小兒緊唇及口瘡方 以馬芥子搗汁先揩唇血出
傅上日七遍馬芥即刺芥也

治小兒緊唇 搗刺薊取汁煎令濃先以物揩唇上血
即塗之

又方 爛嚼澤蘭心安唇上良

治緊唇及瀋唇

出千金方

用纏白布作大燈炷如指安芥

及上燃炷令及汗出拭取傅唇上日二三度一方用

青布燒灰以酒服之亦可脂和塗唇上並瘡

治唇生核 用猪尿平量一升以水投絞取汁溫服之

治小兒緊唇 搗赤芎取汁洗之

又方 出聖惠方 以葵根燒灰為末以酥調封之

又方 出聖惠方 燒自死螻蛄灰細研水調傳之

又方 出聖惠方 用炙松脂貼之

又方 出聖惠方 用乾蟻螯燒灰細研以猪脂和卧塗之差

又方 燒鱉甲令煙盡細研酥調傳之

烏蛇散

出聖惠方

治緊唇及脾熱攻唇瘡腫

用烏蛇燒

灰細研以酥和傅唇上頻換為効一方用皮燒灰傅

之

又方

出聖惠方

燒雞屎白作末傅之有涎易之

白芨膏

治小兒唇瘡

白芨

白欵

白蠟

各一兩

黃耆

剉

乳香

研

牡丹皮

芍藥

丁香

各一分

麻油

二兩

右除油蠟外並細剉先煎麻油令沸次入前項藥以

柳木枝不住手攪綿濾過去滓再煎入蠟膏成銀石
器中盛候冷不拘多少取傅瘡上

龍膽丸 治小兒唇瘡不合

龍膽

大黃

剉微炒

人參

梔子

朴硝

郁李

人

去皮別研
入各半兩

茵陳蒿

一分

右為末鍊蜜和丸如麻子大每服五丸至七丸溫水

下量兒大小加減

治小兒百日内無故唇口青不能飲乳

大藍

採取陰乾

菱霄

牙硝

蜀大黃

各一分

右為散以羊髓為丸將一九研碎灌之便可喫乳熱

者可服而寒者難用也昔人休官去後曾遊湖湘三

江長憶雲水修合此方特行救懸危者千餘人皆表

功效殊妙

治唇黑腫痛癢不可忍方

幼幼新書

取四文大錢于磨石

上以臘月猪脂磨取汁塗之不過數遍即愈

又方 以竹弓彈之出其惡血立効

療小兒唇腫及口赤生白瘡爛方 以清旦研桑木白

皮取汁以塗兒唇口即瘥

治唇瘡及卒生瘡或痛癢 用黃蘗去麁皮為細末濃

煎薔薇根汁調塗瘡上立効

治唇瘡 用蘭葉研取汁洗之日三上瘥

治小兒唇口吻生瘡 以新瓦擣羅為末以生油調塗

之

治冬月唇乾拆血出方 擣桃仁以猪脂和傅之

治遠行唇口面皴裂方 用熟煎猪脂將行夜常傅面
設行萬里野宿不損

口瘡等疾

附論

夫嬰孩口舌生瘡乃心脾受熱流沫煩啼盛則不乳然
嬰兒吮乳之初口内生白煩燥駭人者莫知其由將謂
神祟使之究竟其理母于未誕之月恣飲酣醕貪食肥
膩熱毒胎氣所受其兒脫胎之後所襲熱毒之氣悉皆
散出于表舌系于心唇干於脾所言心脾若是也欲以

下其氣未可利臟腑但以吳茱萸末米醋調傅脚心移
夜即愈藥性雖熱能引熱就下其功至良又有心肺熱
者瘡潰頤頰初作數點胭脂紅漸散斑駁如丹加之身
體有熱連翹飲主之但禁火氣餘無恙矣 小兒口瘡
由血氣盛兼將養過溫心有客熱熏上焦故口生瘡也
千金翼曰凡口瘡忌鹹膩及熱麵乾棗等宜純食甜粥
勿食鹽菜三日即瘥又口中面上生息肉轉大以刀決
潰出濃愈由血氣盛實心脾蘊熱熏發上焦故口生瘡

蓋小兒純陽易生熱疾或衣服過厚飲食多熱血脉壅
盛皆致此疾 驚口瘡者此由脾胃有客熱熱氣薰發
于口兩吻生瘡其白色如驚子之吻故名爲驚口瘡也
或以驚泥傳之甚良 鵝口候者由小兒初生口裏白
屑滿舌如鵝之口故曰鵝口也此乃胎熱而心脾最盛
薰發于口也 小兒初生口裏忽結生于舌上如黍粟
大令兒不能飲乳名之口噤此由在胎之時熱入兒心
脾心脾偏受于熱故令口噤者也

方

薔薇丸 治口中瘡身體有熱氣痲癰

薔薇根 黃芩 鼠李根 當歸 葛根 白歛

石龍芮 黃蘗 黃耆 芍藥 續斷 黃連

各一
兩 括萎根 二
兩

右為末鍊蜜和丸如梧桐子大十九日三服一方無

黃連

升麻散 治小兒口瘡多時氣臭生蟲子

川升麻 黃芩 藁本 甘草 生乾地黄 五

倍子各一分 皂莢 訶梨勒皮 夏枯草已上三味燒灰各半

兩

右為散候兒睡時即乾摻于瘡上神効

治小兒久患口瘡不瘥

蝦蟇塗酥炙微黃 筍灰各半兩 白礬 黃蘗剉 黃連去鬚 晚

蠶蛾微炒 川升麻各一分 蝸牛三已枚去殼微炒

右為散每取少許以白蜜和如膏塗于瘡上日三用

之

龍膽丸

治小兒口瘡多睡吐乳

方見唇瘡等疾類

折桂散

治口瘡口吻病

梧桐津

黃蘗

蜜炙

蛤粉

各一分

晚蠶蛾

一錢微炒

已上擣羅為細末次用

朱砂

半兩細研水飛

麝香

一錢研

龍腦

半錢研

右研勻每用少許摻貼患處

保生丸

歌曰小兒心歲不清涼客壅傷神饒口瘡鉤